

ALDERDI ABERTZALEEK ETA IUK BAT EGIN ZUTEN ATZO GASTEIZKO LEGEBILTZARREAN

# Jaurlaritzak Burgosi audientzia eskatuko dio Trebiñoko kontura

Trebiñoren gaian Gernikako Estatutuak aurreikusten duen bidea egiteko eskatu dio Gasteizko Legebiltzarrak Jaurlaritzari. Gobernu Kontseiluak aurki erabakiko du zenbat eguneko epea emango dion Gaztela eta Leongo Juntari.

Felix Iriarte / Gasteiz



Trebiñoko ordezkari batzuk, atzo, Gasteizko zenbait legebiltzarkide abertzalerekin.

JOSEBA OLALDE

eta Leongo Estatutuak aurreikusten duena, eta Gernikako Estatutuarena besteak. Lehenak emaitzik eman ez duenez, bigarrenari ekitea ezinbestekotzat jo zuen. «Guztion beharra da bideak irekitzea», esan zuen.

Iñaki Gerenabarrena jeltzaleak bat egin zuen Larreinaren hitzekin, eta erreferenduma ezinbestekotzat jo zuen. Esan zuen Trebiñon kontu asko aldatu direla martxoaren 8an kontsulta egin zutenetik. Orduan konderrria Araban sar dadin lehen urratsa eman zuten trebiñoarrek, eta orain horri segida ematea da politikarien eginbeharra, Gerenabarrena adierazi zuenez.

Tomas Garcia Iukoak eta Santi Hernando HBko kideak esan zuten auzia konponduko dela trebiñotarrei hitza eman bezain pronto, hori baita «gako», mintzatokitik esan zutenek. Hernan-

dok, gainera, PPren «batasun irizpidea» antzeman zuen haien «itxikerian». «Espainiar batasuna mantendu nahi du PPK kosta ahala kosta. Ilogikoa da egoera hau, Gibraltarren egoera ilogikoa den bezelaxe. Horregatik garbi dago Madril ez dela inor trebiñotarrei bere eskubidea kentzeko», esan zuen HBkoak.

Fernando Buesa buruzagi sozialistak beste bide bat proposatu zuen, bere ustez abertzaleen eta Iuren ekimenak arazoa konpondu baino gehiago «nahastu» egingo baitu. «Hemen aurkeztu duzuen proposamenak konpetentzia arazoa sor lezake, eta gaia Konstituzionalera joan daiteke. Hori ez da bidea, egoera konpondu beharrean bere horretan uzteko arriskua izango baita. Zuek ez duzuen konponketa aurkezten, gatazka baizik», adierazi zuen Buesak.

Irtenbide sozialistak hainbat urteko geldialdia ekarriko luke. Buesak esan zuen trebiñoarren, gaztelanen eta euskaldunen «borondateek» bat egin behar dutela auzia konpontzeko, eta horretarako hiru urteko epea beharko dela aitortu zuen. Datorren legegintzaldian zerbitzuak hitzartu, bi urte geroago baloratu eta gero trebiñotarrei hitza eman. Hori da Buesak aurkeztu zuen errezeta. Abertzaleen bideak, gainera, porrot egingo duela aurreratu zuen. Bere logikarekin ezingo dute «borondate guztiak» batu, batez ere ez ei dutelako espainolen oniritzia erdietsiko.

UAko Pablo Mosquera bat etorri zen Buesaren ikuspuntuarekin. Baina proposamenaren alde zegoelako baino gehiago, abertzaleek «lurraldetasuna» lortzeko asmoa omen dutelako Trebiñoren kasuan.

## Argoten izango da Trebiño Eguna

AURTENGO Trebiño Eguna berezia izango da. Laugarren aldiz Trebiño Araba dela adierazteko jaia eta aldarrikapena uztartuko dituzte UDA elkateko kideek, aurtan Argoten izango den ekitaldian. Data ere ezarrita dago: irailaren 13an. Aurtengo ekitaldiak bi lema, baina esanahi bat, izango ditu: *Trebiñok erabaki dezala* eta

*Eman bidea Trebiñori*. Eta bi izango dira iazkoa aurtan berreskuratuko nahi dutelako. Izan ere, 1997an ez zen Trebiño Eguna egin, antolatzaileek, azken orduan, bertan behera uztea erabaki zutelako. Ez egiteko arrazoia alderdien arteko giroa izan zen. Izen ere, UDA elkarteok erabaki zuten Miguel Angel Blancoren ondorengoak

oso gertu, gertuegi, zeudela, eta euren asmoa zen alderdi guztiek parte hartzea ekitaldian. Garai hartan HBk joango zela esan balu, litekeena zen beste ez joatea. Arriskuaurren aurrean zuzurtiaz jokatzeko erabaki zuten antolatzaileek. Egoera erabat aldatu da. Eta horren lekuko atzo bertan Legebiltzarran izandako akor-

dioa da. EAJ, EA, IU eta HB bat etorri dira Trebiñori buruzko jardunbidean, baina antolatzaileen ametsa da beste alderdiek ere bat egitea Trebiño Egunean, aurreko uretetan gertatu den bezala. Inoiz baino partehartze handiagoa espero dute, eta aurrekoetako 15.000 pertsonen marla gaindituko dela uste dute. X

**HBk bultzatutako Irlandako prozesuari buruzko foroa gaur bilduko da**

■ Diskrezio osoz egin nahi du eta ez du jakinarazi bileraren tokia

Erredakzioa / Donostia

HERRI BATASUNAK proposatutako Irlandako bake prozesuari buruzko foroa edo eztabaidagunea gaur bilduko da. HBk diskrezio osoz garatu nahi du foroaren prozesu osoa eta ez du lehen bileraren berri eman, ez non bilduko den, ez nortzuk joango diren, ez noiz bilduko den ere.

Horrelako eztabaida gune bat sortzeko proposamena kartzeleratuta dagoen Mahai Nazionalak egin zuen iazko irailean, Stormenteko prozesuan abian jartzera zihoala. Auzitegi Gorenak Mahai Nazionala espetxeratu ondoren osatu zen zuzendaritza berriak bere egin zuen foroaren proposamena eta aurrera eramane egin du otsailetik geroztik.

HBk hogeita hamar bat indar politiko, sindikal eta soziali egin zien gonbita foroan parte hartzeko, eta espero du erantzun zabala izatea. EAJ, EA, Abertzaleen Batasuna, Zutik, Batzarre, CDN eta IU ziren alderdi gonbidatuak eta azkenen biek adierazia dute kanpo geldituko direla. EAJ eta EAren parte hartzeari buruz azken asteetan albiste kontrajarriak agertu badira ere, lehen bileran izango dira. Sindikatuei dagokienez, ELA, LAB eta EHNEk parte hartzea espero da, kontrarik adierazi ez dutelako. Gizarte taldeei dagokienez, batz bestek, Senideak, Amnistiaren Aldeko Batzordeak, Elkarri, Bakea Orain eta Bakearen aldeko Koordinakundea zeuden gonbidaturik. Talde hauen kasuan, azkenaldian inork ez du adierazpenik egin bere balizko parte hartzei buruz.

Eztabaida foroari buruzko informazio gehiegirik ez dagoen arren, lehenengo bileran HBk Irlandako prozesuaz egin duen irakurketa politikoa azalduko duela aurreratu daiteke. Gainontzeko partaideek hurrengo bileretan adieraziko dute euren ikuspegia.

Irlandako bake prozesuaren azterketa Euskal Herriak bizi duen gatazka konpontzeko lagungarri izan daitekeela bultzatu du HBk eztabaida foro hau. Izan ere, HBk hurbiletik segitu du Ipar Irlandako gatazkaren garapena, neurri haundi batean Sinn Fein alderdiarekin duen lehentasunezko harremanari esker. Adibidez, HBko Mahai Nazionalako bi ordezkari Sinn Feinen Urtero Batzarrean parte hartu zuten. Irlandako kasuari lotuta, HBk izan duen ekimenen artean, aipa daiteke Stormonteko akordioaren testu osoaren zabalkundea. X

**Eztabaida antzua** • EAJk eta EAK aurkeztu zuten legez besteko proposamenak ekarri zuen eztabaida. Horri IUK eta HBk zuzen-ekin egin zizkioten, eta azkenean IUK egindakoa onartu zuten laurok. Ekimen aurkezteko motiboa Trebiñoko egoera «larria» zela esan zuen Rafael Larreina EAKo kideak. Esan zuen bi bide daude aurrera egiteko: bata Gaztela